

ՎԱՅՈՑ ԶՈՐԻ ՄԻ ՇԱՐՔ ՊԱՏՄԱԿԱՆ ԲՆԱԿԱՎԱՅՐԵՐԻ
ՏՆՂԱԳՐՈՒԹՅԱՆ ՄԱՍԻՆ

Ա. Օ. ԽԱԶԱՏՐՅԱՆ

Ստեփաննոս Օրբելյանի երկում¹ բերված են Վայոց ձոր գավառում XIII դարում գոյություն ունեցած բազմաթիվ բնակավայրերի անուններ, որոնց զգալի մասի տեղագրությունը անցյալում պարզել են Ղ. Ալիշանը², Քաջրերունին³, Ե. Հալայանը⁴, Ս. Բարխուդարյանը⁵ և ուրիշներ: Սակայն մինչև օրս այդ բնակավայրերից շատերի տեղագրությունը դեռ չի ճշտված:

Ելնելով մատենագրական նյութերի, վիճաբերների և այլ աղբյուրների ընձեռած տվյալներից, ինչպես նաև տարեց տեղացիների հաղորդած տեղեկություններից, ստորև փորձում ենք ճշտել Վայոց ձորի մի շարք պատմական բնակավայրերի տեղագրությունը:

1. Մոխրոց — Օրբելյանի ցուցակի № 15 գյուղը, պահպանել է աղբյուրներից թարգմանությունները իր նախնի անունը (Քյոմուռլու): Զնայած Ղ. Ալիշանը Քյոմուռլուն թարգմանել է Ածղուտ («Սիսական», էջ 169), սակայն այդ անունը մատենագրական տվյալներով չի հաստատվում: Վայրը գտնվում է Ելփին գյուղից 8 կմ հարավ-արևմուտք:

2. Հացիկ — նույն ցուցակի № 56 գյուղը. գտնվել է Վարդենիք (Վարթանես) գյուղի մոտ և համընկնում է Հեշին գյուղատեղին: Հացիկը գտնվում է Ելփին գյուղից մոտ 3 կմ արևելք:

3. Դուռն — ցուցակի № 79 գյուղը, գտնվել է հնձորուտ գյուղից մեկ կմ արևելք և համընկնում է Գյանալի գյուղատեղի վայրին:

4. Նորիք — № 58 գյուղը, Օրբելյանի նկարագրության համաձայն պետք է որ գտնված լիներ Արենի գյուղի ԳէՍ-ի, ջրաղացի և հնագույն կամրջի ավերակների մոտ («գնեցաք... հոգեցատուր այգի մի ի կամրջայ խելիս և այլ բաղում հայրենիս հողս և տունս. շինեալ էին և երկու ական ջրաղացս աջ կամրջին, և այս ամենայն հալալ... ժառանգութիւն... նորավանից», Օրբելյան, էջ 491): Ալիշանը վայրը ավելի ճշտելով, գրում է. «...Ի սպառուած ձորահովիտին էլբինայ առ եզեր Արփայի յաջմէն, կան աւերակ գեօղատեղիք որպեսն ինձ անծանոթ...» («Սիսական», էջ 169): Այս վայրն այժմ կոչվում է «բողբաղլար», որտեղ հողի տակից հաճախ դուրս են գալիս խեցեղենի բեկորներ: Հալայանը նորիքը տեղագրել է Ենգիջա գյուղի տեղում («Ազգ. հանդես»,

¹ «Պատմութիւն նահանգին Սիսական, արարեալ Ստեփաննոսի Օրբելեանի, արքեպիսկոպոսի Սիւնեաց», Թիֆլիս, 1911:

² Ղ. Ա. Ն. Ղ. Ալիշան, Սիսական. Վենետիկ, 1893:

³ Տե՛ս «Արարատ», 1888, 1889, 1891: «Փորձ», № 3—4, 1877—1878:

⁴ Տե՛ս «Ազգագրական հանդես», 1904, 1905:

⁵ Ս. Բարխուդարյան, Դիվան հայ վիճաբանության, պրակ III, Վայոց Ձոր, Երևան, 1967:

1904, № 12, էջ 292), սակայն Ենգիջա գյուղը նախկինում կոչվել է Գնչին, որը վկայում է Քաջբերունին («Արարատ», 1891, էջ 40):

5. Ընկղի — ցուցակի № 87 գյուղի մասին կալաջանը գրում է. «Այդ գյուղատեղը գտնվում է Ղոզուլջա ջրերի ակունքներում, «Ուլղյուր» անունով, որտեղ կան հին եկեղեցու հիմնադատեր, որն անվանել են Սր Ստեփաննոս. կառուցել են 1292 թ., երկու եղբայրներ. Այստեղից մեկ վերստ ղեպի արևելք, փոքր հարթակի վրա կանգնած է կիսավեր մի եկեղեցի և XIII ու XIV դարերի խաչքարեր, գյուղատեղին անվանում են «վանքի գուղ» («Աղղ. հանդես», 1904, № 12, էջ 281), վկայում են նաև Ալիշանը (էջ 167), Շոպենը («Исторические памятники Армянской области»): Սա այժմյան Թինդ գյուղի նախորդն է եղել:

6. Սաբ — Ամաղուի նորավանքի հյուրատանը նվիրված գյուղն է, որի մասին վիճաբանում ասված է՝ «ՁԱճագուռն Սարի» («Գիվան», III պրակ, էջ 246 և ցանկ, 423): Նվիրատուն եղել է Օրբելյան տոհմից Սարգիս Լալիսկոպոս: Շատ հավանական է, որ այս գյուղը գտնվել է Աղավնաձոր գյուղի արևմտյան կողմում գտնվող «Բաղչաջղ» կոչված երբեմնի լճափնյա ավերակների տեղում:

7. Եղեգնաձոր — Օրբելյանի ցուցակի № 31-ում նշված այս գյուղի անունը, որոշ աղճատումներով, մնացել է զրեթե անփոփոխ և այժմ կոչվում է Աղավնաձոր: Սա Վայոց ձորի մնացած 3 գյուղերից մեկն է եղել հին հայ բնակիչների (մյուս երկուսն են Խաչիկ և Արփա գյուղերը):

Ալիշանը անվանել է Եղեգնաձոր («Միսական», էջ 168), նորավանքի վիճաբանը՝ Եղեգնաձոր («Գիվան», III պրակ, էջ 212 և 218), Պետական պատմական արխիվի (Ֆ. 65—1—469, թ. 18) վավերագրում՝ Егекнадзор, վերին նորավանքին նվիրված գյուղերի ցուցակի մեջ (1302 թ.)՝ Եղեգնաձոր:

8. Քարկոփեալ — 1298 թ. Ամաղուի նորավանքին նվիրված այս գյուղի ավերակները գտնվում են Խաչիկ գյուղի Քարկոփե վանքից հյուսիս-արևելք գտնվող «Պարտավոր խաչ» կոչված վայրում: Քալատակ անունով գյուղը գոյատևել է մինչև 1835 թ. (տե՛ս նույն արխիվի ֆ. 65—1—469, թ. 280: Նաև՝ «Գիվան», III պրակ, էջ 216: «Արարատ», 1889, էջ 465):

9. Մսեն — Օրբելյանի ցուցակի № 29 գյուղը, բայց ցուցակաչարքի հերթականության, հավանաբար գտնվել է Աղարակաձոր և էթիլի գյուղերի մոտ, Մոզրով գյուղի ավերակների վայրում, որտեղ Քաջբերունու վկայությամբ եղել է հայկական հին գյուղ («Փորձ», 1877—1878, № 3—4, էջ 341: Շոպեն, էջ 517: «Աղղ. հանդես», 1904, էջ 259): Գտնվել է էթիլի գյուղատեղից 4—5 կմ հարավ-արևելք, մի ձորակի մեջ:

10. Խորձա — նույն ցուցակի № 23 գյուղի անունը աղավաղվել, դարձել է Շորջա: Սրա մասին Օրբելյանը գրում է. «... Տեր Գրիգոր Լալիսկոպոս մեռանի ի Վայոց ձոր ի Խորձա գիղ» (էջ 342): Վայրը գտնվում է Գնչին (Ենգիջա) և էթիլի գյուղերի մերձակայքում:

11. Ըրվենի — նույն ցուցակի № 22 գյուղը, գտնվելով Խորձա գյուղատեղի մոտ, հավանաբար եղել է Շորջայից հարավ-արևելք գտնվող Ղուրբան Քյասալան գյուղատեղում, որի մասին կալաջանը գրում է. «Այստեղ բլրակի վրա կա եկեղեցու ավերակ» («Աղղ. հանդես», 1905, էջ 292):

12. Կուրանի — Օրբելյանի ցուցակի № 33 գյուղը գտնվել է Աղքենդ գյուղի մոտի ավերակներում, որտեղ Ե. կալաջանի վկայությամբ կա հայկական հին

և բնդարձակ գերեզմանատուն («Ազգ. հանդես», 1905, էջ 276): Վալոց ձորի հնույթյունները ուսումնասիրողները Աղբենդ գյուղին թյուրիմացաբար տվել են Ախտարոյին, Աղնչաձոր, Դրունք, անգամ Հեռնանցք անունները՝ առանց հիմնավորելու:

13. Գեղպանարտ — գյուղի մասին Օրբելյանը գրում է. «... անցեալ բնդ գեղամ մտին ի Վալոց ձոր... և գտեղի առին կառքն ի հարթ տեղուջ մի ի ձորին Սուլեմայ, որ ղեղպանարդ կոչի» (էջ 264—265): Այս գյուղի տեղի մասին Արիշանի մոտ ասված է. «...գտեղի առին կառքն ի հարթ տեղուջ մի ի ձորին Սուլեմայ, որ Գեղպանարտ կոչի... բնդ մեջ սորա թառաթուն գեղջ» («Սիսական», էջ 163): Այս նկարագրության համաձայն, Գեղպանարտը համընկնում է Բարաթում գյուղի տեղին:

14. Վախցան — Շատիվանքի 1270 թ. վիմագրում («Գիվան», 111 պրակ, էջ 156) և 1302 թ. մի ձեռագրում («ԺԴ դարի հայերեն ձեռագրերի հիշատակարաններ», կազմեց Լ. Ս. Խաչիկյան, Երևան, 1950, էջ 7) հիշվող այս գյուղը, Հալաջանի տվյալներով գտնվել է Հորս գյուղի Վախսե կոչված անտառում («Ազգ. հանդես», 1905, էջ 279): Քաջբերունին ավելի ճշտելով, գրում է. «Վախցանը գտնվել է Սալի գյուղի արևմտյան կողմում գտնվող մի ձորակի միջի ավերակներում» («Փորձ», 1879, № 1, էջ 103): Արիշանը ավելացնում է. «Կես փարսաղ ղեպի աջակողմը Սուլեմա գետակից Վախսե անուն, հետո Հորս» («Սիսական», էջ 161):

15. Արկաղուկերտ — նույն ցուցակի № 60 գյուղը ցուցակի հերթականության համաձայն հավանաբար գտնվել է Հորվաղ գյուղից հյուսիս, Բախաշղ կոչվող վայրի ավերակներում: Շուպենի ավերակ գյուղերի ցուցակում կոչվել է Մուղանջղ (էջ 517): Ս. Բարխուդարյանը գրում է. «Սրա արևմտյան եզրին, գետակի ձախ ափին Բաղաշղու կոչված ավերակ գյուղատեղում կանգնած է 1291 թ. մի խաչքար» («Գիվան», 111 պրակ, էջ 165, № 505): Այստեղ ն. Հալաջանը տեսել է բնակավայրի և ձիթհանի ավերակներ («Ազգ. հանդես», 1904, էջ 276):

16. Փրակալ — ցուցակի № 63 գյուղը հավանաբար գտնվել է Հորվաղ գյուղի տեղում, չնայած որ Արիշանը թյուրիմացաբար այստեղ տեղադրել է ցուցակի № 21՝ Կորոտույր գյուղը («Սիսական», էջ 157), իսկ Քաջբերունին Կորոտույրը տեղադրել է Գորաղի գյուղի տեղում: Հորվաղ գյուղում թե՛ Հալաջանի և թե՛ Քաջբերունու վկայությամբ կան հայկական երկու հին գերեզմանատներ («Ազգ. հանդես», 1904, էջ 276: «Արարատ», 1889, էջ 297):

17. Աղնչարեղ — ցուցակի № 82 գյուղը պետք է լիներ Գյուլիղու գյուղի հարավային ձորակում գտնվող Զանիղաբախու գյուղատեղում, Ղաբախու գետակի ձախ ափին, որտեղ Հալաջանը և Քաջբերունին տեսել են Զանի իշխանի աճրոցի, եկեղեցու և բնակավայրի ավերակներ («Ազգ. հանդես», 1905, էջ 272: «Արարատ», 1888, էջ 444):

18. Շատախ միւս — Օրբելյանի ցուցակի № 84 գյուղը իր բնդարձակ հայկական գերեզմանոցով համապատասխանում է Զանի գյուղի տեղին, որը գտնվում է Գյուլիղու գյուղից 2 կմ ղեպի հյուսիս («Արարատ», 1888, էջ 275):

19. Կուրես — գյուղի մասին հիշատակություն կա Վերնաշենի Այիտակա վոր վանքի 1330 թ. արձանագրությունում («Գիվան», 111 պրակ, էջ 111, 422): Հավանաբար գտնվել է Վերնաշեն գյուղից հյուսիս-արևելք, ղեպի վանք տա-

նող արահետի մոտակա ավերակներում, որտեղ Քաջբերունու վկայությամբ կային բնակարանների, հեղեղացու և ձիթհանի ավերակներ («Արարատ», 1989, էջ 53):

20. Խոտորակ — Օրբելյանի երկի 72-րդ էջում Վերնաշենի Սպիտակավոր վանքի՝ Պոռչյան էաշոյի որդի Ամիր Հասանի կտակագրում («Դիվան», III պրակ, էջ 97) հիշվող այս գյուղի մասին ասված է. «...կաթողիկոս Գիւտ և Անանիա Սիւնեաց եպիսկոպոս և բազմամբոխ ժողովով փոխեն ի հանգիստ գտորբս... բայց այժմ յետ անբախտ տեղւոյն եղև և շինանիստ գեղջկաց, և կոչեցաւ տեղին Խոտորակ»:

Այժմ այդ վայրը անվանում են «Քյոշք» (գտնվում է Եղեղնաձոր ավանում):

Հ. Եղիազարյանը («Ապիղրեկովի շրջանի կուտուրայի հուշարձաններ», 1955, էջ 45) Խոտորակը տեղագրել է այս վայրում: Կալայանը Խոտորակը և Փոնձաթաղ գյուղերը նույնացրել է («Ազգ. հանդես», 1905, էջ 271), իսկ Ս. Բարխուդարյանը նույնացրել է Սխտորակին («Դիվան», III պրակ, էջ 104):

21. Փոնձաթաղ — գյուղի անունը հիշվում է 1498 թ. այստեղ գրված մի ձեռագրի հիշատակարանում և Սպիտակավոր վանքի 1348 թ. վիճադրում («Ժնդարի հայ. ձեռ. հիշ.», մաս Դ, Երևան, 1967, էջ 258: «Դիվան», III պրակ, էջ 81): Վերջինում ասված է. «... Ես Պենա, որդի Սմբատա, թոռն Լիպարիտի տեր Փոնձաթաղին»: Օրթաթենդ (այժմ՝ Գլաձոր) գյուղի արևմտյան բլուրի վրա գտնվող խաչքարի 1311 թ. արձանագրություներում ասված է. «Իշխանութի Պարոն Չեսարին... ևս վարդալար կանգնեցի զխաչս յիշատակ ինձ և ծնողաց իմոյ...» («Դիվան», III պրակ, էջ 102): Չեսար Օրբելյանը, որի դարպասը գտնվել է Հորս գյուղում («Դիվան», III պրակ, էջ 166), Սելիմի քարավանատունը կառուցել տվողն է եղել՝ «... յազգէ Աւրապէնց», ինչպես ասված է՝ վիճադրում («Դիվան», III պրակ, էջ 177): Օրբելյանների այս ճյուղի կալվածքները տարածվելիս են եղել Սելիմի ձորահովտով, Եղեղիս գետակի ձախափնյա լանջերով և հասել են Օրթաթենդ գյուղի արևմտյան սահմանում գտնվող «Վարդանի բերդ» կոչվող բլուրին, որտեղ Կալայանի և Քաջբերունու վկայությամբ գտնվել են նախկին գյուղի ավերակները («Ազգ. հանդես», 1905, էջ 271: «Արարատ», 1989, էջ 48): Հավանաբար հենց այստեղ է գտնվել Փոնձաթաղը:

22. Սխտորակ — գյուղի մասին հիշատակություններ կան Թանատի («Դիվան», III պրակ, էջ 82) և Սպիտակավոր («Դիվան», III պրակ, էջ 101) վանքերի արձանագրություններում: Թանատի վանքի 1353 թ. վիճադրում ասված է. «... տվիք զմեր դնած իգին և Սխտորակ...», իսկ Սպիտակավոր վանքի 1351 թ. արձանագրություներում՝ «...նորողեցի զվախմսի Սխտորակը զգեղի զլիսին... այգին»: Հավանաբար այս գյուղը գտնվել է Եղեղնաձոր ավանից հարավ-արևելք, «Ղուռու-շայ» գետակի ձախափնյա հարթակի ավերակներում, որտեղ Կալայանի վկայությամբ եղել են գյուղի ավերակներ՝ երկու մատուռներով և պատվանդանին կանգնած խաչքար («Ազգ. հանդես», 1905, էջ 276): Խաչքարի վրա գրված է. «Կանգնեցի խաչս Պոռչոյ և զավակներին» («Դիվան», III պրակ, էջ 104):

23. Ներիմո — Օրբելյանի ցուցակի № 67 գյուղը հավանաբար եղել է Երևանի և Ազարակ (Մալիշկա) գյուղերի միջև գտնվող հորդ աղբյուրների մոտ

րնկած «նովլար» վայրում, որտեղ, ըստ Հալայանի, եղել է հայկական հին գյուղատեղ («Աղղ. հանդես», 1905, էջ 268)։

24. Զակոռ գյուղի մասին հիշատակություն կա Հերհեր գյուղի Սիոն եկեղեցու 1259 թ. արձանագրության մեջ («Դիվան», III պրակ, էջ 51), որտեղ ասված է. «...ես տեր Ստեփանոս Սինեաց արհեստակորոս տվաք զմեր հերենի գեղն Զակոռ ի վանիսն սբ ուխտիս...»։ Այս գյուղը հավանաբար գտնվել է այժմյան Կարմրաշեն գյուղի տեղում, որտեղ, ըստ Քաջբերունու, եղել են եկեղեցու և հայկական գերեզմանատան ավերակներ («Արարատ», 1889, էջ 283)։

25. Համամատես — գյուղի մասին հիշատակություն կա Ս. Աստվածածին եկեղեցու արձանագրության մեջ («Դիվան», III պրակ, էջ 56, № 148)։ Հավանաբար գտնվել է Կոթաբաս գյուղատեղում, որի մասին Քաջբերունին գրում է. «Այստեղ կան բազմաթիվ խաչարար մինչև 1602 թվականին հասնող և 10×8^2 բայլ մեծության կիսավեր եկեղեցի («Արարատ», 1889, էջ 281)։ Գյոթաբասում Ալիշանը տեղագրել է Օրբելյանի ցուցակի խոստում գյուղը, որի մասին գրում է. «... և ոչ գտանի մերձաձայն հին անուանց ցուցակին բայց եթե խոստան» («Սիսական», էջ 110)։ Մեր կարծիքով սա ճիշտ չէ։

26. Կավարտի — Ս. Աստվածածին եկեղեցու մի այլ արձանագրության մեջ («Դիվան», III պրակ, էջ 52, № 136) այս գյուղի մասին ասված է. «...ես կուկոր Մամայս, զկուարտին հոգն տվաք ի սուրբ ուխտս...»։ Քաջբերունին գրում է. «...Կավարտի գյուղի տեղը անհայտ է» («Արարատ», 1889, էջ 326)։ Հավանական է այս գյուղը տեղագրել Կարմրաշենից հյուսիս, Ղաթախլու և Հերհեր գետակների միջև գտնվող Գենդարա գյուղատեղում։

27. Զաֆաբալ — գյուղը, որ հիշատակվում է նույն եկեղեցու արձանագրության մեջ («Դիվան», III պրակ, էջ 50, № 135), հավանաբար գտնվել է «Հին Քյոթանի» կոչված վայրի մոտակա ավերակ գյուղերից մեկի տեղում, որոնց մասին Ս. Բարխուդարյանը գրում է. «Կարմրաշեն գյուղի շրջակայքում... նախկինում և մինչև վերջերս էլ տեղավորված էին մի քանի մանր գյուղեր» («Դիվան», III պրակ, էջ 41)։

28. Այրերենց — գյուղի անունը հանդիպում է XIV և XV դարերի երկու ձեռագրերի հիշատակարաններում («Մենք ի վերին յարեւել է ի գավառին Վալոց ձորէ ի բնիկ զեղջէ Այրերենցէ ի վանք նորա մեղ սնեալ է...», «... ևս անպիտան ծառայս Աստուծո Աւան-Այրերուաց ծեռաւոր...» («ԺԵ դարի հայ. ձեռ. հիշ.», Գ մաս, էջ 252 և «ԺԴ դարի հայ. ձեռ. հիշ.», էջ 347, № 434—81 բ)։

Ելնելով Այրերենց արձատից, այս գյուղը հնարավոր է տեղագրել Մարտիրոս գյուղի ժայռափոր եկեղեցու դիմաց, գետի ձախ ափին գտնվող փոքրիկ բլրակի վրայի մեծ գերեզմանատան շուրջը գտնվող ավերակներում (տե՛ս նաև «Դիվան», III պրակ, էջ 178)։

29. Խոզավաւ — Օրբելյանի ցուցակի № 47 գյուղը, ցուցակի № 48՝ Լիճ հանրահայտ գյուղի մոտ, որը իրականում կա, հավանաբար գտնվել է Լիճ գյուղի հարևան Մարտիրոս գյուղի հարավային կողմում բնկած «Ավիս» կամ «Աշուղի շախրներ» կոչված հին գյուղատեղում, որտեղ Քաջբերունին հայտնաբերել է հին գյուղի ավերակներ։

30. Արտոց գետ — նույն ցուցակի № 3 գյուղը, հավանական է տեղագրել ցուցակի № 4՝ Մարտիրոս գյուղից արեւելք բնկած ավերակներում, որ հայտնաբերել է նույն Քաջբերունին («Արարատ», 1891, էջ 108)։

Տ Հանդես, № 4

О МЕСТОПОЛОЖЕНИИ НЕКОТОРЫХ ИСТОРИЧЕСКИХ СЕЛ ВАНОЦ-ДЗОРА

А. О. ХАЧАТРЯН

(Резюме)

В труде армянского историка XIII в. Степаноса Орбеляна «Պատմութիւն նահանգիւ Սիւսիկան» приведен список 145 сел тавара (уезда) Ванец-Дзор (ныне Ехегнадзорский и Азизбековский районы Армянской ССР). Местоположение многих из этих сел до настоящего времени не выяснено.

На основании эпиграфических данных, свидетельств средневековых армянских историков, путешественников, изучавших указанный район в XIX в., а также сообщений местных старожилов в сообщении уточняется местоположение 30 сел из списка Орбеляна.